

anfang machen werden / Wie denn solches in dem folgenden Jar etwas weitz  
leufftiger sol angezeigt werden.

## Der Fünffte thail / Von etlichen Zuefällen des Jars / Calenders vnnnd der Menschen.

**W**As eines jeden sein aigne angeborne / oder gewöhnliche  
Kranckheit antrifft / raht ich nit in wind zuschlagen / sonder auß seiner Ge-  
niture / so es sein kan / auch art seiner complexion vnd Qualitet der jar zeijt /  
vornemliche gebrechen / so extraduce als Podagra / Stein / vñ dergleichen von El-  
tern herkommen / mit raht gelehrter Arzts wol erkünde vnd gute fürsehung ihue /  
dann die vniuersalis Reuolution kan nit einem jeden in diuiduo ein Particularitet  
andenten. Das Gewitter ist im Calender ordenlich angezeigt / vnnnd sol also vers-  
standen werden / daß es das Viertel auß / darzu es verzeichnet ist / den mehrern thail  
also wittern werde / nicht so gar gnaw auff alle stunden des gantzen Viertels / so  
habe ich auch oft angemelt / daß die Reuolution allein wenig dienet zu coniectu-  
riern vberfluß oder mißwachsung Traid vnd anderer frücht / derhalben die Mos-  
natlich witterung wie sie einer jeden sorte diene / auch sonderlich wol zubetrachten.  
Daß aber oft im Winter / oder sonst zu vngelegner zeit das zeichen gut Pflanz-  
gens gesetzt ist / beschicht in vnsern Landen allhie von des Weingartsbaw / sonder-  
lich von Schneidens wegen.

Wann die noht Aderlassen erfordert / sol ein Kranckher nit warten auff ein gut  
Laßzeichen / So es aber in seiner wahl stehet / mag es dahin enstellen / wann ein  
gut zeichen ist / dan die erwöhlung die natürlich vrsach haben / vñ den signis Medi-  
corum gemäß sein / nit zuuerwerffen. Aber die Electiones die auf glück deuten / new  
Klaider anzulegen / glücklich mit grossen Herzen zureden / vnd andere dergleichen /  
sein nicht allein kindisch / alter Weiber thäyding / sonder auch wider die vernunft  
bey den Philosophis / im Befehl Gottes aber zum höchsten verboten.

## Der Sechste Thail.

Von ab vnd zunemung des Jags auff Viertelstund in vn-  
serem Lande / durchs ganze Jar zimlich gnaw auff gemein  
vnnnd Schaltjar zuuerstehen.

**J**M Jenner / ist der erste tag 8. stund ein halb Viertel lang / Der  
sechste 8. stund vnd 1. viertel / Der fünffzehende 8. stund ein halbe / Der eins-  
vndzweintzigst 8 stund 3. viertel / Der sibenvndzweintzigst 9. stund.  
Im Hornung hat der ander tag 9. stund 1. viertel / der sibend 9. ein halbe / der  
eyffte 9 stund 3. viertel / der sechzehend 10. stund / der zweintzigst 10. st. 1. viertel /  
Der viervndzweintzigst 10 st. ein halbe / der achtvndzweintzigst 10. st. 3. viertel.  
Im Mertzzen heilt der dritte tag 11. stund. Der acht 11. stund ein viertel / Der  
dreyzehend 11. stund ein halbe / Der sibenzehend 11. stund 3. viertel / der einvnda-  
zweintzigst 12 stund vnd ist tag vnd nacht gleich / Der fünffvndzweintzigst 12.  
stund 1. viertel / der dreyffigst 12. stund ein halbe.

Im April helt der dritte tag 12. stund 3. vierel/ Der sibende 13. stund/ Der  
vffte 13. st. 1. vierel / der fünffzehende 13. stund ein halbe / der zweintzigist 13.  
stund 3. vierel/ der fünffvndzweintzigist 14. st. der dreißigist 14. stund 1. vierel.

Im Mayen hat der vierde tag 14. stund ein halbe/ der neunte 14. stund 3.  
vierel/ Der vierzehend 15. stund/ Der einvndzweintzigist 15. stund 1. vierel/ Der  
achvndzweintzigist 15. stund ein halbe.

Im Brachmonat ist der fünffte tag 15. stund 3. vierel / Der zweyvndzweins  
zigist 15. stund 56. minut. vnd ist der lengste tag.

Im Hermonat helt der 8. tag 15. stund 3. vierel/ der sechzehend 15. stund  
ein halbe / der dreyvndzweintzigist 15. stund ein vierel/ der dreißigist 15. stund.

Im Augustmonat ist der vierde tag 14. stund 3. vierellang/ der neündte 14.  
stund ein halbe/ der dreyzehende 14. st. 1. vierel/ der achzehend 14. st. der dreyvnd  
zweintzigist 13. stund 3. vierel/ der achvndzweintzigist 13. stund ein halbe.

Im Herbstmonat hat der erste tag 12. stund ein vierel/ Der fünffte 13. stund/  
Der zehend 12. stund 3. vierel/ der vierzehend 12. stund ein halbe/ der achzehende  
12. stund ein vierel/ der dreyvndzweintzigist 12. stund/ vnd ist tag vñ nacht gleich/  
der sibenvndzweintzigist 11. stund 3. vierel.

Im Weinmonat helt der ander tag 11. stund ein halbe/ Der sechste 11. stund  
1. vierel / der zehende 11. stund / Der vierzehende 10. stund 3. vierel / Der achtzes  
hend 10. stund ein halbe / Der dreyvndzweintzigist 10. stund ein vierel / Der  
sibenvndzweintzigist 10. stund.

Im Wintermonat hat der erste tag 9. stund 3. vierel / Der fünffte 9. st. ein  
halbe/ der zehend 9. stund ein vierel/ der sechzehend 9. stund/ Der zweyvndzweins  
zigist 8. stund 3. vierel/ Der achvndzweintzigist 8. stund ein halbe.

Im Christmon ist der sibend tag 8. stund vnd ein vierel lang / Der dreyvnds  
zweintzigist 8. stund 4. minut. ist der kurtzest tag.

Wer wissen will wie lang die Nacht ist / der ziehe die stund vñnd vierel der  
Tag leng von 24 stund / bleib im die Nachleng/ Als zum Exempel / Der 6. tag  
Januarij ist 8. stund vnd ein vierel lang / diß von 24. abzogen/ läßt 15. stund 3.  
vierel/ so lang ist die Nacht.

Wer wissen will wenn die Sonn nider geht / der thaille die Tagleng in zwey  
thail/ so hat er was er zu wissen begert. Exempel/ Der sechste tag Januarij ist lang  
8. stund ein vierel/ diß halb ist vier stund ein halb vierel / so lang geht Nachmits  
tag die Sonn vñder.

Wer wissen will wañ die Sonn auffgehet / der thaille die Nachleng in zway  
thail/ Das eine halb thail zaigt ihme die zeit Auffgangs der Sonnen/ als den 6.  
tag Januarij ist oben erfunden die nacht 15. st. 3. vierel lang / diß halbiert / gibe  
7. stund 3. vierel vnd ein halbs/ zu diser zeit gehet denselben tag nach vnser Dhr  
die Sonn auff.

Gedruckt zu Wlenn in Osterreich/ durch Michaeln  
Apffels Wittib/ zum grünen Kofl/ in der  
Schuelstrassen,

*[Faint, illegible text, likely bleed-through from the reverse side of the page.]*

*[Faint, illegible text at the bottom of the page, possibly a signature or title.]*